

NTAUB NTAWV TSEEM CEEB RAU COV NIAM TXIV UAS TAB TOM NPAJ YUAV LOS MUS UA NIAM UA TXIV

Qhov Koj Txiaiv Txim Hnub No Yeej Muaj Kev Cuam Tshuam Rau Koj Tus Mos Ab Lub Neej Yav Tom Ntej

Nws yeej muab ntau yam kev npaj ua ntej zoo rau koj npaj thaum koj tab tom npaj yuav ua niam ua txiv rau ib tus mos ab. Tiam sis nws kuj tseem muaj ntau yam tseem ceeb uas koj yuav tau txiaiv txim. Tej zaum lub tsev kho mob uas koj mus yug koj tus mos ab yeej yog ib lub tsev kho mob uas tau txais lus pom zoo los mus siv California Newborn Hearing Screening Program (Qhov Kev Pab Cuam Rau Kev Kuaj Saib Tus Me Nyuam Yug Los Tshiab Puas Hnov Lus) (NHSP). Thaum koj tseem pw hauv tsev kho mob, lub tsev kho mob yuav nug saib koj puas kam kom lawv kuaj saib koj tus mob ab puas hnov lus ua ntej yuav tso koj tawm mus tsev.

Vim kev tsis hnov lus yog ib yam uas tsis pom ntawm qhov muag, qhov uas koj txiaiv txim kom lub tsev kho mob kuaj saib koj tus mos ab puas hnov lus yeej yog ib qhov tseem ceeb heev. Tam sim no, peb yeej muaj cov khoom technology uas yuav kuaj tau thaum ib tus me nyuam tseem yaus hais tias nws yeej tsis hnov lus tiag.

Thawj lub hlis thiab thawj xyoo ntawm tus me nyuam lub neej yeej tseem ceeb heev rau txoj kev uas nws paub nrog tib neeg sib txuas lus. Ib tus me nyuam uas tsis hnov lus los sis lag ntseg yeej ntxim yuav muaj teeb meem rau ntawm txoj kev yuav paub hais lus los sis txoj kev yuav kawm tau ntawv. Vim qhov ntawm no es txoj kev paub ntxov hais tias ib tus me nyuam tsis hnov lus thiab txoj kev yuav npaj kom muaj cov kev pab tshwj xeeb rau tus me nyuam thiab tsev neeg thiaj li yog ib qhov uas tseem ceeb heev.

Lub koom haum American Academy of Pediatrics thiab lwm lub koom haum yeej pom zoo kom kuaj cov me nyuam yug los tshiab saib lawv puas hnov lus thiab yeej xav kom ua tib zoo saib xyuas cov me nyuam txoj kev hnov lus nyob rau lub sij hawm thaum lawv tseem yaus.

Cov Me Nyuam Mos Ab Uas Tsis Hnov Lus Yog Muaj Coob Npaum Li Cas?

Qhov kev kuaj yeej kuaj pom hais tias cov me nyuam uas tsis hnov lus yog muaj kwv yees li ntawm 2-4 tus me nyuam nyob hauv 1,000 tus me nyuam mob ab uas tau muab kuaj. Kwv yees li 50% ntawm cov me nyuam mos ab uas tsis hnov lus yeej tsis muaj ib yam dab tsi los sis tej cov teeb meem uas ntxim yuav ua rau lawv tsis hnov lus, zoo li tus me nyuam yeej muaj mob loj los sis tsev neeg yeej muaj keeb kwm lag ntseg. Muaj ib txhia me nyuam mos ab yeej mam li muaj teeb meem tsis hnov lus ntev tom qab yug los los ntawm kev muaj kab mob rau hauv lub qhov ntsej, kev muaj tus kab mob hu ua meningitis, lub taub hau raug mob los sis kev muaj lwm yam mob. Nyob rau tej cov sij hawm, cov me nyuam mob ab yeej cia li tsis hnov lus, thiab yeej tsis paub hais tias yog vim dab tsi li.

Peb Yuav Kuaj Li Cas Es Peb Thiaj Li Yuav Paub Hais Tias Hnov Lus los sis Tsis Hnov?

Qhov Kev Kuaj Saib Tus Me Nyuam Yug Los Tshiab Puas Hnov Lus yog ib qhov kev kuaj uas yuav muaj ua ntej thaum lub tsev kho mob yuav tso koj thiab koj tus mos ab tawm mus tsev. Qhov kev kuaj tsuas siv sij hawm li ntawm ob peb feeb xwb uas yog kuaj rau lub sij hawm thaum koj tus me nyuam tseem tsaug zog. Tus kws kuaj yuav tso ib cov suab tsis nrov loj pes tsawg ntawm lub mloog pob ntseg uas npaj rau cov me nyuam mos ab siv. Thaum koj tus me nyuam uas ib yam dab tsi qhia hais tias nws hnov dab tsi nrov, lub tshuab Otoacoustic Emissions (OAE) los sis Auditory Brainstem Response (ABR) yeej ntsuas tau. Lub tsev kho mob yuav qhia rau koj paub hais tias saib lawv kuaj pom li cas ua ntej lub tsev kho mob yuav tso koj tawm mus tsev. Cov kev kuaj yooj yooj yim niaj hnuv no yeej qhia tau meej kawg li. Tsawg tsawg zaub es thiaj li kuaj tsis tau thaum muaj ib tus me nyuam mos ab tsis hnov lus.

Leej Twg Yog Tus Yuav Them Tus Nqi Ntawv Qhov Kev Kuaj Saib Puas Hnov Lus?

Qhov kev faj seeb rau kev kho mob yeej ib txwm them tus nqi ntawm Qhov Kev Kuaj Saib Tus Me Nyuam Yug Los Tshiab Puas Hnov Lus. Medi-Cal yuav them tus nqi ntawm qhov kev kuaj rau cov mos ab uas tsim nyog siv tau.

Qhov Kev Pab Cuam California Newborn Hearing Screening Program Yog Dab Tsi?

California Department of Health Care Services (DHCS), Children's Medical Services (CMS) yeej muaj ib qhov kev pab cuam hu ua Newborn Hearing Screening Program (NHSP) nyob thoob plaws hauv lub xeev. Qhov Kev Pab Cuam yeej pab kuaj kom paub cov me nyuam uas tsis hnov lus thiab yeej pab xa tau cov yim neeg mus siv cov kev pab uas yuav tsum muaj koj los pab kom cov me nyuam tsis hnov lus paub nrog tib neeg sib txuas lus.

Lub hom phaj ntawm California Qhov Kev Pab Cuam Rau Kev Kuaj Saib Tus Me Nyuam Yug Los Tshiab Puas Hnov Lus yeej yog los mus kuaj kom paub cov mos ab uas tsis hnov lus thiab los mus muab lawv xa mus siv kev kho los sis kev pab ua ntej lawv muaj hnub nyoog rau hli. Qhov kev pab cuam yeej muaj cov chaw Hearing Coordination Centers uas yuav nrog cov yim neeg, cov kws kho mob thiab lub tsev kho mob sib pab nrhiav cov kev pab uas yuav tsum tau muaj rau cov me nyuam siv.

Qhov Kev Pab Cuam Rau Kev Kuaj Saib Tus Me Nyuam Yug Los Tshiab Puas Hnov Lus yeej sau cov lus hais txog txoj kev kuaj hais tias saib koj tus me nyuam puas hnov lus raws nraim li tshooj cai Section 124119 of the Health and Safety Code. Cov chaw Hearing Coordination Centers yeej muab cov lus ntawm no siv koj los pab kom koj thiab koj tus mos ab mus siv tau cov kev pab uas koj yuav tsum tau siv. Tej zaum lub chaw Hearing Coordination Center yuav hu xov tooj tuaj nrog koj sib tham hais txog cov kev pab uas yuav muaj rau koj siv ntxiv.

Yog koj muaj lus nug los sis xav paub ntau tshaj qhov no hais txog qhov kev pab cuam Newborn Hearing Screening Program (Qhov Kev Pab Cuam Rau Kev Kuaj Saib Tus Me Nyuam Yug Los Tshiab Puas Hnov Lus),

- » Hu xov tooj mus rau tus xov tooj hu dawb 1-877-388-5301
- » los sis mus xyuas hauv peb lub vas sab nyob ntawm www.dhcs.ca.gov/services/nhsp